

Aningaaserivinni ileqqaakkat akileraarutitigut oqilisaaffigineqarnissaat pillugu Inatsisartut inatsisaata allanngortinneqarneranik Inatsisartut inatsisaat

§ 1

Aningaaserivinni ileqqaakkat akileraarutitigut oqilisaaffigineqarnissaat pillugu Inatsisartut inatsisaanni nr. 2, 6. maj 1989-imeersumi, kingullermik Inatsisartut inatsisaatigut nr. 7, 6. november 1997-imi allanngortinneqartumi makku allannguutigittinneqarput:

1. § 1, *imm.* 2-mi nr. 7-itut nutaatut ilanngunneqassaaq:

"7. Ilinniakkanut sivikinnerpaamik ukiumik ataatsimik sivilissusilinnut, ilinniarnernup Kalaallit Nunaanni avataaniluunniit ingerlanneqarnera apeqquataatinnaq."

2. § 1, *imm.* 3 atorunnaarsinneqassaaq.

3. § 2-mi allassimasoq "nunatsinnilu aningaaserivinnit" allanngortinneqassaaq ima: "aningaaserivinnillu, Kalaallit Nunaannut tamakkiisumik ilaannakortumilluunniit akileraartussaataasunit".

4. § 2 a, *imm.* 1-imi peerneqassapput: ", nr. 1-imiit 3-mut aamma 5-imiit 6-imut"

5. § 2 a, *imm.* 2 ima oqaasertaqassaaq:

"*Imm.* 2. Siunertanut *imm.* 1-imi taaneqartunut ileqqaakkat tunniunneqalerpata, piffissami sumiluunniit ileqqaakkat ukiumut 4 procentiinik ernialerneqartassapput. Erniatigut tapiissutit aatsaat tunniunneqarsinnaassapput kontu sivikinnerpaamik ukiumi ataatsimi pioreersimappat."

6. § 4, *imm.* 1-imi peerneqassapput: ", nr. 1-imiit 6-imut aamma *imm.* 3"

7. § 4, *imm.* 3 ima oqaasertaqassaaq:

"*Imm.* 3. Ileqqaarutit akileraarutitigut oqilisaaffigineqartut taamaallaat pilersinneqarsinnaapput aningaaserivinni, Kalaallit Nunaannut tamakkiisumik ilaannakortumilluunniit akileraartussaataasuni."

8. § 10-mi peerneqassaaq: "aamma 3"

§ 2

Inatsisartut inatsisaat atortuulissaaq ullormi 1. juni 2000.

Jonathan Motzfeldt

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut